

Verwysings vir die Lewe en Bediening-vergaderingwerkboek

2-8 JANUARIE

SKATTE UIT GOD SE WOORD | 2 KONINGS 22-23

“Hoekom moet ons nederig wees?”

w00 9/15 29-30

Die nederige man Josia het Jehovah se guns gehad

Van vroegoggend af begin dié wat herstelwerk aan die tempel doen ywerig werk. Josia is ongetwyfeld dankbaar teenoor Jehovah dat die werkers die skade herstel wat party van sy goddelose voorouers aan God se huis aangerig het. Namate die werk vorder, kom Safan verslag lewer. Maar wat dra hy? Dit is ’n boekrol! Hy verduidelik dat die hoëpriester Hilkia “die wetboek van die HERE . . . wat deur die diens van Moses gegee is”, gevind het (2 Kronieke 34:12-18). Wat ’n ontdekking—ongetwyfeld die oorspronklike kopie van die Wet!

Josia is gretig om elke woord in die boekrol te hoor. Terwyl Safan lees, probeer die koning sien hoe elke gebod op hom en die volk van toepassing is. Hy is veral beïndruk deur die wyse waarop die boek ware aanbidding beklemtoon en die plaë en ballingskap voorspel wat sou kom as die volk valse godsdiens beoefen. Wanneer Josia besef dat nie al God se gebooie nagekom is nie, skeur hy sy klere en gee hy Hilkia, Safan en ander dié opdrag: ‘Raadpleeg Jehovah oor die woorde van hierdie boek; want die grimmigheid van Jehovah is groot wat teen ons ontvlam het, omdat ons vaders nie geluister het na die woorde van hierdie boek nie.’—2 Konings 22:11-13; 2 Kronieke 34:19-21.

w00 9/15 30 ¶2

Die nederige man Josia het Jehovah se guns gehad

Josia se boodskappers gaan na Hulda die profetes in Jerusalem en keer met ’n verslag

terug. Hulda het die woord van Jehovah oorgedra, wat toon dat die onheil wat in die nuutgevonde boek opgeskryf is wel die afvallige volk sal tref. Maar omdat Josia hom voor Jehovah God verneder het, sal hy nie die onheil sien nie. Hy sal by sy voorvaders versamel word en in vrede na sy graf geneem word.—2 Konings 22:14-20; 2 Kronieke 34:22-28.

Geestelike skatte

w01 4/15 26 ¶3-4

Jy kan welslae behaal ten spyte van jou agtergrond

Ten spyte van die negatiewe omstandighede in sy vroeë kinderjare het Josia gedoen wat goed was in Jehovah se oë. Sy heerskappy was so suksesvol dat die Bybel sê: “Voor hom was daar geen koning soos hy nie wat hom tot die HERE bekeer het met sy hele hart en met sy hele siel en met al sy krag volgens die hele wet van Moses, en ná hom het nie een soos hy opgestaan nie.”—2 Konings 23:19-25.

Wat ’n aanmoedigende voorbeeld is Josia tog vir diegene wat as kind moontlik moeilike tye moes deurmaak! Wat kan ons uit sy voorbeeld leer? Wat het Josia gehelp om die regte weg te kies en daarop te bly?

9-15 JANUARIE

SKATTE UIT GOD SE WOORD | 2 KONINGS 24-25

“Behou jou gevoel van dringendheid”

w01 2/15 12 ¶2

Jehovah se oordeelsdag is naby!

² Hierdie profetiese woorde van Sefanja het jong koning Josia ongetwyfeld laat besef hoe belangrik dit was dat Juda van onrein aanbidding gereinig moes word. Maar die koning se optrede om die land van valse godsdiens te reinig, het nie al die goddeloosheid onder die

mense verwyder of versoening gedoen vir die sondes van sy oupa, koning Manasse, wat “Jerusalem met onskuldige bloed gevul het” nie (2 Konings 24:3, 4; 2 Kronieke 34:3). Jehovah se oordeelsdag sou dus beslis kom.

w07 3/15 11 ¶10

Glanspunte uit die boek Jeremia

Dit is die jaar 607 v.G.J. Sedekia is in die 11de jaar van sy koningskap. Koning Nebukadnesar van Babilon beleër Jerusalem al die afgelope 18 maande. Dit is die sewende dag van die vyfde maand van die 19de jaar van Nebukadnesar se bewind. Nebusaradan, die hoof van die lyfwag, ‘kom na’, of kom aan by, Jerusalem (2 Konings 25:8). Nebusaradan bestudeer die situasie moontlik vanuit sy kamp buite die stadsmure en beplan sy strategie. Drie dae later, op die tiende van die maand, ‘kom hy in’, of tot binne, Jerusalem. En hy steek die stad aan die brand.—Jeremia 52:12, 13.

Geestelike skatte

w05 8/1 12 ¶1

Glanspunte uit die boek Tweede Konings

24:3, 4. As gevolg van Manasse se bloedskuld ‘wou Jehovah nie vergifnis skenk’ aan Juda nie. God respekteer die bloed van die onskuldiges. Ons kan die volle vertroue hê dat Jehovah onskuldige bloed sal wreek deur dié te vernietig wat vir die vergieting daarvan verantwoordelik is.—Psalm 37:9-11; 145:20.

16-22 JANUARIE

SKATTE UIT GOD SE WOORD | 1 KRONIEKE 1-3

“Die Bybel – ’n Boek met feite, nie fiksie nie”

w09 9/1 14 ¶1

Adam en Eva—Het hulle werklik bestaan?

Dink byvoorbeeld aan die Joodse geslagslyste wat in die Bybelboek Eerste Kronieke hoof-

stukke 1 tot 9 en in die Evangelie van Lukas hoofstuk 3 opgeteken is. Hierdie merkwaardig uitvoerige geslagsregisters strek oor onderskeidelik 48 en 75 geslagte. Lukas beskryf Jesus Christus se geslagslyn, terwyl Kronieke die koninklike en priesterlike geslagslyne vir die nasie Israel bevat. Albei lyste sluit die name van welbekende persone soos Salomo, Dawid, Jakob, Isak, Abraham, Noag en laastens Adam in. Al die name op die twee lyste verteenwoordig mense wat *werklik* bestaan het, en Adam was die eerste persoon op elke lys wat *werklik* gelewe het.

w08 6/1 3 ¶4

Noag en die Vloed—Feit, nie fiksie nie

Twee geslagslyste in die Bybel getuig dat Noag ’n werklike persoon was (1 Kronieke 1:4; Lukas 3:36). Beide Esra en Lukas, wat hierdie geslagslyste saamgestel het, was noukeurige navorsers. Lukas het Jesus Christus se geslagslyn tot Noag teruggevoer.

w09 9/1 14-15

Adam en Eva—Het hulle werklik bestaan?

Dink byvoorbeeld aan ’n Bybelleerstelling wat die meeste kerkgangers na aan die hart lê —die losprys. Volgens hierdie lering het Jesus Christus sy volmaakte menselewe as ’n losprys gegee om mense van hulle sondes te red (Matteus 20:28; Johannes 3:16). Soos ons weet, is ’n losprys ’n betaling van ’n ooreenstemmende waarde om iets los te koop of terug te kry wat verloor of verbeur is. Dit is waarom die Bybel Jesus as “’n ooreenstemmende losprys” beskryf (1 Timoteus 2:6). Ons vra dalk: Ooreenstemmend waarmee? Die Bybel antwoord: “Net soos almal in Adam sterf, só sal almal ook in die Christus lewend gemaak word” (1 Korintiërs 15:22). Die volmaakte lewe wat Jesus opgeoffer het om gehoorsame mense los te koop, stem ooreen met die volmaakte lewe wat Adam as gevolg van die eerste sonde in Eden verloor het (Ro-

meine 5:12). As Adam nie bestaan het nie, sou Christus se losprysoffer ongetwyfeld heeltemal betekenisloos gewees het.

Geestelike skatte

it-1-E 911 ¶3-4

Geslagslys

Name van vrouens. Vrouens was soms in die geslagslyste genoem wanneer daar 'n geskiedkundige rede was. Sarai (Sara) word in Genesis 11:29, 30 genoem, blykbaar omdat die beloofde saad deur middel van haar sou kom en nie deur 'n ander vrou van Abraham nie. Milka was dalk in dieselfde gedeelte genoem omdat sy die ouma van Rebekka, Isak se vrou, was. En dit het gewys dat Rebekka se geslagslyn uit Abraham se familie kom, aangesien Isak nie 'n vrou uit 'n ander nasie moes neem nie (Ge 22:20-23; 24:2-4). In Genesis 25:1 word die naam van Ketura Abraham se vrou wat hy later gehad het, genoem. Dit wys dat Abraham weer getrou het nadat Sara gestorf het en dat hy nog vir meer as 40 jaar sy voortplantingsvermoëns gehad het nadat Jehovah dit op 'n wonderdadige manier herstel het (Ro 4:19; Ge 24:67; 25:20). Dit wys ook die verhouding tussen Israel en Midian en ander Arabiese stamme.

Lea, Ragel en Jakob se byvrouens en ook hulle kinders se name word genoem (Ge 35:21-26). Dit help ons om te verstaan hoekom God later op 'n sekere manier teenoor hierdie seuns opgetree het. Vir soortgelyke redes vind ons die name van ander vrouens in die geslagslyste. Wanneer 'n erfenis deur hulle oorgedra is, is hulle name dalk ingesluit (Nu 26:33). Maar Tamar, Ragab en Rut is natuurlik 'n uitsondering. Daar is iets wonderliks omtrent die manier hoe elkeen van hulle deel geword het van die geslagslyn van die Messias, Jesus Christus (Ge 38; Rut 1:3-5; 4:13-15; Mt 1:1-5). Nog voorbeelde van vrouens in die geslagslyste kan in 1 Kronieke 2:35, 48, 49; 3:1-3, 5 gevind word.

23-29 JANUARIE

SKATTE UIT GOD SE WOORD | 1 KRONIEKE 4-6

“Wat wys my gebede oor my?”

w10 10/1 23 ¶3-7

'n “Hoorder van die gebed”

Jabes was 'n man van gebed. Hy het sy gebed begin deur God te smee om hom te seën. Toe het hy drie versoeke gedoen wat bewys lewer van 'n hart vol geloof.

Eerstens het Jabes God gesmeek en gesê: ‘Vergroot my gebied’ (vers 10). Hierdie eerbare man was nie 'n grondrower wat begeer het wat aan sy medemens behoort nie. Sy opregte versoek het moontlik meer te doen gehad met mense as met grond. Hy het dalk gevra dat sy gebied op 'n vreedsame wyse vergroot word sodat daar meer plek vir aanbidders van die ware God sou wees.

Tweedens het Jabes gesmeek dat God se “hand” met hom moet wees. God se simboliese hand is sy toegepaste krag, wat hy gebruik om sy aanbidders te help (1 Kronieke 29:12). Om die versoeke van sy hart te ontvang, het Jabes vertrou op die God wie se hand nie kort is teenoor dié wat geloof in hom stel nie.—Jesaja 59:1.

Derdens het Jabes tot Jehovah gebid: “[Be- waar] my werklik van rampspoed . . . , sodat dit my nie tref nie.” Die uitdrukking “sodat dit my nie tref nie” gee moontlik te kenne dat Jabes gebid het, nie om rampspoed vry te spring nie, maar om nie deur die gevolge van boosheid bedroef of oorweldig te word nie.

Jabes se gebed het sy besorgdheid oor ware aanbidding en sy geloof en vertroue in die Hoorder van die gebed geopenbaar. Hoe het Jehovah gereageer? Hierdie kort verslag sluit af met die woorde: “En God het teweeggebring wat hy gevra het.”

Geestelike skatte

w05 10/1 9 ¶7

Glanspunte uit die boek eerste Kronieke

5:10, 18-22. In die dae van koning Saul het die stamme oos van die Jordaan die Hagriete verslaan, al het hierdie stamme teen 'n oormag van meer as 2 teen 1 geveg. Dit was omdat die dapper manne van hierdie stamme op Jehovah vertrou het en hulle tot hom gewend het om hulp. Laat ons volkome op Jehovah vertrou terwyl ons ons geestelike stryd teen 'n groot oormag voer.—Efesiërs 6:10-17.

30 JANUARIE–5 FEBRUARIE

SKATTE UIT GOD SE WOORD | 1 KRONIEKE 7-9

“Jy kan moeilike toewysings met Jehovah se hulp uitvoer”

w05 10/1 9 ¶8

Glanspunte uit die boek eerste Kronieke

9:26, 27. Die Levitiese poortwagters het 'n baie verantwoordelike posisie beklee. Hulle is die sleutel gegee vir die ingang na die heilige gedeeltes van die tempel. Hulle het die poorte elke dag getrou oopgemaak. Aan ons is die verantwoordelikheid toevertrou om die mense in ons gebied te bereik en hulle te help om aanbidders van Jehovah te word. Moet ons nie net so betroubaar soos die Levitiese poortwagters wees nie?

w11 9/15 32 ¶7

Kan jy soos Pinehas wees wanneer jy voor uitdagings te staan kom?

Pinehas het 'n groot verantwoordelikheid in eertydse Israel gehad; en tog kon hy uitdagings suksesvol te bowe kom met moed, insig en vertroue op God. En Pinehas se pligsgetroue sorg vir God se gemeente het Jehovah se goedkeuring weggedra. Sowat 1 000 jaar

later is Esra geïnspireer om te skryf: “Pinehas, die seun van Eleasar, was vroeër leier oor hulle. Jehovah was met hom” (1 Kron. 9:20). Mag dit waar wees van almal wat vandag onder God se volk die leiding neem, trouens, van alle Christene wat hom lojaal dien.

Geestelike skatte

w10 12/15 21 ¶6

Sing vir Jehovah!

⁶ Ja, Jehovah het sy aanbidders deur middel van sy profete opdrag gegee om hom met sang te loof. Sangers uit die priesterlike stam is selfs vrygestel van pligte wat ander Leviete moes uitvoer, sodat hulle genoeg tyd daaraan kon wy om te komponeer, en heel waarskynlik om te oefen.—1 Kron. 9:33.

6-12 FEBRUARIE

SKATTE UIT GOD SE WOORD | 1 KRONIEKE 10-12

“Versterk jou begeerte om God se wil te doen”

w12 11/15 6 ¶12-13

“Leer my om u wil te doen”

¹² Dawid se begrip van die beginsels wat in die Wet weerspieël is en sy begeerte om daarvolgens te lewe, is ook navolgenswaardig. Dink aan wat gebeur het toe Dawid sy begeerte uitgespreek het om “van die water [te] drink uit die reënput van Betlehem”. Drie van Dawid se manne het die stad—wat op daardie stadium deur die Filistyne beset is—binnegedring en die water gaan haal. “Dawid wou dit nie drink nie, maar het dit vir Jehovah uitgiet.” Waarom? Dawid het verduidelik: “Dit is vir my ondenkbaar, vanuit my God se standpunt, om dit te doen! Sou ek die bloed van hierdie manne ten koste van hulle siel drink? Want met gevaar vir hulle siel het hulle dit gebring.”—1 Kron. 11:15-19.

¹³ Uit die Wet het Dawid geweet dat bloed vir Jehovah uitgegiet moet word en nie geëet moet word nie. Hy het ook verstaan waarom dit gedoen moet word. Dawid het geweet dat “die siel van die vlees . . . in die bloed [is]”. Maar dit was water, nie bloed nie. Waarom het Dawid geweier om dit te drink? Hy het die beginsel agter die wetlike vereiste begryp. Vir Dawid was die water so kosbaar soos die bloed van die drie manne. Daarom was dit vir hom ondenkbaar om die water te drink. Hy het eerder tot die gevolgtrekking gekom dat hy dit op die grond moet uitgiet.—Lev. 17:11; Deut. 12:23, 24.

w18.06 17 ¶5-6

Laat God se wette en beginsels jou gewete oplei

⁵ As ons wil hê dat God se wette ’n goeie invloed op ons lewe moet hê, moet ons meer doen as om dit net te lees of te weet wat dit sê. Ons moet daarvoor lief word en dit respekteer. God se Woord sê: “Haat wat sleg is, en wees lief vir wat goed is” (Amos 5:15). Maar hoe doen ’n mens dit nou eintlik? Ons moet leer om dinge te sien soos Jehovah dit sien. Ons kan dit so verduidelik: Stel jou voor jy sukkel al ’n ruk lank om te slaap. Jou dokter sê vir jou om gesonder te eet, meer te oefen en jou lewenstyl te verander. Jy doen wat hy sê, en dit werk! Jy sal seker baie dankbaar wees teenoor jou dokter omdat hy jou gehelp het om jou lewe te verbeter.

⁶ Net so het ons Skepper vir ons wette gegee wat ons teen die skadelike gevolge van sonde kan beskerm en ons lewe kan verbeter. Dink aan hoe dit ons help wanneer ons die Bybel se wette gehoorsaam oor leuens, skelm planne, diefstal, seksuele sonde, geweld en spiritisme. (**Lees Spreuke 6:16-19**; Op. 21:8.) Wanneer Jehovah ons ryklik seën omdat ons dinge op sy manier doen, versterk dit ons liefde en waardering vir Jehovah en vir sy wette.

Geestelike skatte

it-1-E 1058 ¶5-6

Hart

Dien met jou “hele hart”. Die letterlike hart moet heel wees om normaal te funksioneer, maar die figuurlike hart kan verdeeld wees. Dawid het gebid: “*Verenig my hart* om u naam te vrees”, dit beteken dat ’n persoon se hart verdeeld kan wees wanneer dit kom by sy begeertes en vrese (Ps 86:11). So ’n persoon is dalk ‘halfhartig’ – hy dien God nie ten volle nie (Ps 119:113; Op 3:16). ’n Persoon kan ook “dubbelhartig” wees (letterlik, met ’n hart en ’n hart). Hy probeer twee meesters dien of tree bedrieglik op deur een ding te sê terwyl hy iets anders dink (1Kr 12:33; Ps 12:2, vtn.). Jesus het sulke dubbelhartige skynheiligheid sterk veroordeel. – Mt 15:7, 8.

Iemand wat God gelukkig wil maak, moet nie halfhartig of dubbelhartig wees nie, maar hy moet Hom met sy *hele hart* dien (1Kr 28:9). Dit beteken dat ons hard moet werk omdat die hart desperaat is en geneig is om kwaad te doen (Jer 17:9, 10; Ge 8:21). Die volgende dinge kan ons help om aan te hou om God met ons hele hart te dien: opregte gebed (Ps 119:145; Klg 3:41), gereelde studie van God se Woord (Esr 7:10; Spr 15:28), ywerige deelname aan die verkondiging van die goeie nuus (vergelyk Jer 20:9) en assosiasie met ander wat Jehovah met hulle hele hart dien. – Vergelyk 2Kn 10:15, 16.

13-19 FEBRUARIE

SKATTE UIT GOD SE WOORD | 1 KRONIEKE 13-16

“Om leiding te volg, lei tot sukses”

w03 5/1 10-11

Vra jy: “Waar is Jehovah?”

¹² Nadat die verbondsark na Israel teruggestuur en jare lank in Kirjat-Jearim gehou is,

wou koning Dawid dit graag na Jerusalem bring. Hy het met die hoofde van die volk be-
raadslaag en vir hulle gesê dat die Ark verskuif
sou word ‘as hulle dit goeie vind en as dit vir
Jehovah aanneemlik is’. Maar hy het die saak
nie deeglik genoeg ondersoek om vas te stel
wat Jehovah se wil hierin is nie. As hy dit
wel gedoen het, sou hulle nooit die Ark op ’n
wa gelaai het nie. Kehatitiese Leviete sou dit
op hulle skouers gedra het, soos God duidelik
voorgeskryf het. Hoewel Dawid Jehovah dik-
wels geraadpleeg het, het hy dit by hierdie
geleentheid nie behoorlik gedoen nie. Die ge-
volg was rampspoedig. Dawid het later erken:
“Jehovah ons God [het] teen ons losgebreek,
want ons het hom nie volgens die gebruik ge-
soek nie.”—1 Kronieke 13:1-3; 15:11-13; Numeri
4:4-6, 15; 7:1-9.

w03 5/1 11 ¶13

Vra jy: “Waar is Jehovah?”

¹³ Toe die Ark uiteindelik deur die Leviete ge-
dra is van die huis van Obed-Edom af na
Jerusalem, is ’n lied gesing wat Dawid gekom-
poneer het. Dit het hierdie opregte aansporing
ingesluit: “Soek Jehovah en sy sterkte, soek
voortdurend sy aangesig. Dink aan sy wonder-
like dae wat hy verrig het, sy wonderwerke
en die regterlike beslissings van sy mond.”
—1 Kronieke 16:11, 12.

Geestelike skatte

w14 1/15 10 ¶14

**Aanbid Jehovah, die Koning van die ewig-
heid**

¹⁴ Dawid het die heilige verbondsark na
Jerusalem gebring. Gedurende hierdie vreug-
devolle geleentheid het die Leviete ’n loflied
gesing wat ’n merkwaardige verklaring be-
vat het. Dit is opgeteken in 1 Kronieke 16:31,
wat sê: “Laat hulle onder die nasies sê: ‘Je-
hovah het koning geword!’” ’n Mens wonder
dalk: ‘In watter sin word Jehovah op sekere
tye Koning, aangesien hy die Koning van die

ewigheid is?’ Jehovah word Koning wanneer
hy sy heerskappy uitoefen of ’n verteenwoor-
diger aanstel om hom op ’n spesifieke tyd
te verteenwoordig of ’n sekere situasie te
hanteer. Hierdie aspek van Jehovah se ko-
ningskap is van groot belang. Voordat Dawid
gesterf het, het Jehovah hom belowe dat sy
koningskap tot onbepaalde tyd sal voortduur:
“Ek [sal] beslis jou saad ná jou verwek, wat
uit jou liggaam sal voortkom; en ek sal inder-
daad sy koninkryk stewig vestig” (2 Sam. 7:12,
13). Hierdie belofte is vervul toe die “saad”, of
seun, van Dawid meer as 1 000 jaar later ver-
skyn het. Wie was dit, en wanneer sou hy
Koning word?

20-26 FEBRUARIE

SKATTE UIT GOD SE WOORD | 1 KRO- NIEKE 17-19

**“Behou jou vreugde ten spyte van te-
leurstellings”**

w06 7/15 19 ¶1

**Konsentreer op die goeie van Jehovah se
organisasie**

DAWID van eertydse Israel is een van die
uitsonderlikste mense wat in die Hebreeu-
se Geskrifte bespreek word. Hierdie herder,
musikant, profeet en koning het volkome ver-
troue in Jehovah God gestel. Dawid se diep
persoonlike gehegtheid aan Jehovah het die
begeerte by hom gewek om ’n huis vir God te
bou. So ’n huis, of tempel, sou die sentrum
van ware aanbidding in Israel word. Dawid het
gewet dat die reëlins in verband met die
tempel vreugde en seëninge vir God se volk
sou meebring. Daarom het Dawid gesing: “Ge-
lukkig is die een wat u [Jehovah] uitkies en
laat nader kom, sodat hy in u voorhowe kan
woon. Ons sal beslis versadig word met die
goeie van u huis, die heilige plek van u tem-
pel.”—Psalm 65:4.

w21.08 22-23 ¶11

Vind vreugde in die voorregte wat jy het

¹¹ Net so kan ons meer vreugde kry as ons enige toewysing wat ons kry, **met ons hele hart en siel aanpak**. Bly “druk besig” in die predikingswerk en wees ten volle betrokke by gemeentelike aktiwiteite (Hand. 18:5; Heb. 10:24, 25). Berei goed voor vir die vergaderinge sodat jy opbouende kommentare kan gee. Alle studentetoewysings by die vergaderinge is belangrik, so doen dit na die beste van jou vermoë. As jy gevra word om iets in die gemeente te doen, wees op tyd en wees betroubaar. Moenie dink dat enige toewysing onbelangrik is en dat dit nie jou tyd verdien nie. Probeer hard om jou werk al hoe beter te doen (Spr. 22:29). Hoe harder jy vir Jehovah werk, hoe vinniger sal jy vordering maak, en dan sal jy meer vreugde hê (Gal. 6:4). Dan sal dit ook vir jou makliker wees om saam met ander bly te wees wanneer hulle ’n voorreg ontvang wat jy graag wil hê. – Rom. 12:15; Gal. 5:26.

Geestelike skatte

w20.02 12, venster

Ons is baie lief vir Jehovah, ons Vader

Sien Jehovah my raak?

Het jy al ooit gewonder: ‘Van al die miljarde mense op die aarde, hoekom sal Jehovah my raaksien?’ Daar is baie goeie mense wat al hierdie selfde vraag gevra het. Koning Dawid het geskryf: “O Jehovah, wat is die mens dat u hom sou raaksien, die seun van ’n sterflike mens dat u aandag aan hom sou gee?” (Ps. 144:3). Dawid het die vertroude gehad dat Jehovah hom goed ken (1 Kron. 17:16-18). En deur middel van sy Woord en sy organisasie, verseker Jehovah jou dat hy die liefde raaksien wat jy vir hom het. Kyk na ’n paar verse uit God se Woord wat jou hiervan verseker:

- Jehovah het jou raakgesien selfs voordat jy gebore is. – **Ps. 139:16.**

- Jehovah weet wat in jou hart is en hy weet wat jy dink. – **1 Kron. 28:9.**

- Jehovah luister persoonlik na elkeen van jou gebede. – **Ps. 65:2.**

- Wat jy doen, het ’n uitwerking op Jehovah se gevoelens. – **Spr. 27:11.**

- Jehovah self het jou na hom toe getrek. – **Joh. 6:44.**

- Jehovah ken jou so goed dat as jy sou sterf, hy jou sal kan opwek. Hy sal vir jou ’n nuwe liggaam en verstand gee wat dieselfde is soos die een wat jy nou het. Jy sal dieselfde herinneringe en persoonlikheid hê. – **Joh. 11:21-26, 39-44; Hand. 24:15.**

27 FEBRUARIE–5 MAART

SKATTE UIT GOD SE WOORD | 1 KRONIEKE 20-22

“Help jonger persone om suksesvol te wees”

w17.01 29 ¶8

“Vertrou dit aan getroue mense toe”

⁸ Lees 1 Kronieke 22:5. Dawid het dalk gedink dat Salomo nie ervare genoeg is om oor so ’n belangrike projek toesig te hou nie. Die tempel sou immers “alles in luisterrykheid oortref”, en Salomo was nog jonk en onervare. Maar Dawid het geweet dat Jehovah Salomo die vermoë sou gee om die werk te doen. Dawid het dus gekonsentreer op wat hy kon doen om te help en het groot hoeveelhede boumateriaal bymekaargemaak.

w17.01 29 ¶7

“Vertrou dit aan getroue mense toe”

⁷ Dawid het die projek ondersteun. Hy het nie getob oor die feit dat hy nie bekend sou wees as die een wat die tempel gebou het nie. Om die waarheid te sê, die gebou is later Salomo

se tempel genoem, nie Dawid s'n nie. Al was Dawid miskien teleurgesteld omdat hy nie die tempel kon bou nie, het hy die projek ten volle ondersteun. Hy het ywerig groepe werkers georganiseer en yster, koper, silwer en goud sowel as sederhout bymekaargemaak. Hy het Salomo ook aangemoedig deur te sê: “En nou, my seun, mag Jehovah met jou wees, en jy sal suksesvol wees en die huis van Jehovah jou God bou, net soos hy oor jou gespreek het.”—1 Kron. 22:11, 14-16.

w18.03 11-12 ¶14-15

Help jy jou kind om tot doop te vorder?

¹⁴ Ouer manne kan ouers help deur positief te wees wanneer hulle oor geestelike doelwitte praat. 'n Suster wat meer as 70 jaar lank pionier het, onthou nog 'n gesprek wat sy met broer Charles T. Russell gehad het toe sy net ses jaar oud was. Sy het gesê: “Hy het 15 minute opsygesit om my geestelike doelwitte met my te bespreek.” Ja, positiewe woorde en aanmoediging kan 'n groot invloed op 'n persoon se hele lewe hê (Spr. 25:11). Ouer manne kan ouers en hulle kinders vra om te help met projekte by die Koninkryksaal. Hulle kan die kinders vra om takies te doen wat by hulle ouderdom en vermoëns pas.

¹⁵ Ander in die gemeente kan gepaste belangstelling in jongmense toon. Hulle kan byvoorbeeld kyk of daar enige tekens is dat 'n jong persoon geestelike vordering maak. Het 'n jongmens in die gemeente miskien 'n goeie kommentaar gegee of 'n deel op die vergadering in die week gehad? Het hy dalk vir iemand by die skool getuig of die versoeking weerstaan om iets verkeerds te doen? Wees gou om hom te prys. Ons kan ook 'n punt daarvan maak om voor en ná vergaderinge met jongmense te gesels. Wanneer ons dit doen, sal jongmense voel dat hulle deel is van “die groot gemeente”.—Ps. 35:18.

Geestelike skatte

w05 10/1 11 ¶6

Glanspunt uit die boek eerste Kronieke

21:13-15. Jehovah het die engel beveel om die plaag te stuit omdat Hy sensitief is vir die lyding van Sy volk. Ja, “sy barmhartighede is oorstroomend”.